

www.BibleForChildren.org

Oosana 3



Faiqí fannoo narí aanaaqara
maqasaa qaraa fasiqa anaasee
ninoo fee qimaseenoo auqu Eewanee
qinau. (Mi auquna oosana aiqama
faiqí faiqi ninoo fee qidanoo.)




Karaambaiga Anutufa aigama
aandauqakina auquqoona
qambaanaindari sakani mifa nikaru
qira ufa akoofasa marinau. Mifa
anaasee iramirino qinau. Kuqaa fee
Anutufa saqariuqaki aigama qao
qinoo fee sia naaqee qinoo fee.



Mi anaaseefa
minara iriseenoo
qimaminau.

Eeoo aiqama maa
afuqanakinaa saqari naaqee
qifaqa naidaqa. Kadiqa qambaanai
moodaa saqariara sia
naaqee sia auqaaqee
qifaqa sia naidaqa.
Maasa namaseeqa
kuquanauranoo.



Sakani mina ufa
iriseenoo anaasee
akaru qinoo qinau.

Namasee sia kuqinnara
unnaqidanoo, anee sia kuqinnaranoo.

Anutufa minara iridanoo qaoo qinoo.


Innee mi saqari aqamana namasee

Anutufara foora maridaqa

manda ainainara faqa

amiqira ainainara

faqa irifoora.



Anaasee sakani ufa iriseenoo mi
saqarina afu qafamasoofanoo
amiqirafa marufanoo aqama faqa
qafoofanoo idaaqirafa marufanoo
amiqira ainainara iriranara faqa
manda ainainara iriranara faqa
irufanoo amiqufanoo
mi saqari aqamana
diqiseenoo neenoo
narí afaaqi faqa
amufanoo
nanau.



Miqanda namasoofanoo mikari
miqanda nifusaa irirafa
kambiqoofaqa nári nifaaqa
qafamasee kaqisamu maridee
qimaseeqa nisauruseeqa saqari
amanee didiqi amanee
fooqaana qumaree
akunuseeqa
nári nifaaqasaa
ititaqau.





Karaambaiga Anutufa faiqi
aaramasee anee yaifee qufanoo mifa qinau.
Anee kadidaki nuanaqa iriseeqa qinee kaqisamu
maridaqa rufiaseeqa saqariuqaki kukeeqaidaqa.





Miqi qufanoo Anutufa qinau, yafee ani
kaqisamu mariannanara qimaminoo fee. Anee
saqari aqama qinee qaoo qunnana neenanee.




Faiqí iriseenoo narí qimaminoo qinau. Maa
anaaseefa qini faqa marifa anee qimunafa mifa
qimifaqa neeqa. Miqi qufanoo karaambaiqa
Anutufa mi anaaseena iramirinoo qinau.
Anee nanaree maa oosanna mareenanee.
Mi anaaseefa iriseenoo qinau. Sakani
fannoo anireenoo qini qikaru
qifaqa neeqa.





Karaambaiga Anutufa minara
iriseenoo Eedeena kadidakinaana
doo miqanda nifaqaseenoo qinau.
Inneeqara inni auquafanna
maqanasaa maridaqa maqa
auqamasaidaqa
narana
paquriaqa.






Anutufa Eedeenna
kadidakiqari

Adamasa Eewasa


niqiqoofaqa fufanoo suani oosana
qaannai kadida atinni naaru marira
saqari fainnai fimaru aannanasaa
angiroouqa quqasoofaqa ida auru
arira paipana uaqeeidaqa faiqi
minni fifoora
ruki tataaka
imariqua.




Adamafa narí anaaga Eewana faqa aana
numasoofanoo amuaqu qaikinoo faiqi maqaseenoo
mina auqu Kainafee qinau. Maqaseenoo Eewafa
qinau, Anutufa dadaaqifaqa qinee
faiqi akoonaiqi maqeeqa.



Kafaa mariufanoo faiqi moo maqaseenoo mina auqu
Abeeranee qinau. Abeerafa innooqafinoo kooqikinaa
aandausaa rakisirafa marinau. Mina afasaafa Kainafa
innooqafinoo afuqakina ainaini
marufa marinau.




Mariufanoo moo kari Kainafa narí afuqakinaa ainaina
maraseeoo Anutuna tatufirana suqa aminau.
Abeerafa mifa faqa Anutuna tatufu
amiraree qimaseenoo narí firimaru
aandausakinaana ooqasaa maqarana
afaqafaqaana aruseenoo amiqira
afaqa kai tatufirana
suqa aminau.



Abeerana tatufirana Anutufa qafeenoo amiqira fee
qimasee asasinau. Kafaa Kainaindi qafamasee
minnisanau. Kainafa mina qafoofanoo
firaqoo arana qoofanoo oori runinau.



Miqi qimasoofanoo Kainafa narí akaqa Abeerana
qimaminoo qinau. Aninaqa aana fua. Miqanda moosaa
oonureeqa Kainafa narí akaqa
Abeerana kuqa arinau.



Arusoofanoo Anutufa Kaina iramirinoo qinau, ani akaqa Abeerafa yaiffee maridanoo fee. Qufanoo Kainafa qinau, Abee qinee sia iridaqa, anee qiniara narí akaqasaa rakisimariffee fee qidanee.



Miqooqari Kainafa Anutuna oorisaaqari finoo Eedeena
kadida aaqaqari suani oosana qaannai moo maqa
maaqaai mina auqu niku quqirausa nua maqusa fee
qimarunnai finau.




Adamafa kaifaa narí anaaga faiqi mara amisoofanoo
amuaqu qaikinoo akoonaiqi moo maqaseenoo mina auqu
Seetane qinau.



Miqi qimaseenoo mina anoofa qinau. Anutufa qini qimaaku moo qiminoo narí afasaana Abeerana amaaqa maqaanifeera qiminoo mifa Kainafa aruna amaaqa maqaannoo.




Seetana maqookari oosana araseenoo Adamafa 800
aukuana maranau. Mi kamuqoo akoonaiqi maanaaqa
faiqi namu moomoo Adamafa maqanau.
Adamana aukuana aiqama 930
maraseenoo kuqinau.




Anutufa aigama maqasaqaraasa
nindafoofaqa misa marirafa faqa
irirafa faqa mandaika uqanna
inoo marinau.



Maa oosanausa qinee auquafanausa maa
maqanasaa qaraana qinee aiqama ruka
aqusaanaura. Faiqí faqa ufini aandau
faqa aiqama ruka aqusaanaura
qinee misa auquafannanara
qikooqaidanoo.



Anutufa Nooanara kai asasinau. Nooana oosana
maaqimmino marinau. Nooafa kai sia aaqarana
marufa marinau, narí faqa marusakiqari
naríaraa kai andeeqarafa marinau.




Mifa kai Anutuna aqoondikiranaki marinau.
Mina amaaku qaarammoo namu mariqau.
Misa nuqu Seemafa faqa Qammafa
faqa Yafeetafa faqa mariqau.



Anutufa maa
maqanasaa mariasara amuqusa firaaqoo
qunara narí amaaku moodaa uqanna
amiqirana maqasaqaraasa nimuna
mina saqarikinausa sia kuridiranaki
fifaranoo Anutuna naaru
mariranaki fuageera narí
amaaku nimirau.



2



60



Roomma 3:23 Faiqí anaasee narí Anutuna asauku mundirana saqarikiranannai Anutufa mareeqee narí afusaa andeeqaranaki quqaidanoo. Aiqamausa asauku mundirana Yisuna ufa irisee minasaa rusimariasa miqi qimariasa aiqama maqannaasa Anutufa mareeqee narí afusaa andeeqaranaki quqaidanoo sia raina rainiannoo.

Roomma 6:23 Dinni manda oosana fannoo narí ainainimariasa naarama quqaseenoo narí ainainirana akiaqara feefauru nimidanoo mi feefaurufa kuqirafa kai maridanoo. Kafaa mina dinni Anutuna kaqi nimira ainaina innaarunai naaru marirafa sia ainainirana akiaqara maridanoo, mina asauku mundirafa maasa karaambaiqa Yisufa mina faqa moodaanaki kiqa maridaqa mina namufaqa innaarunai naaru marirana kaqi nimirafa mariannoo.



Heeburu 9:27 Aiqamausa moodaa kari kuquannana amana kai Yisufa moodaa kari kuqinau, aiqamausa moodaa kari kai kuqufiqa miqooqari Anutuna faqa ufa qiranaki fifaranoo.

Eefeesusa 2:8,9 Sia moo ainainannai Anutufa nari afaariranannai kai inni innaarunai asumu mariranaki quqannisaidanoo, innee Yisuna saqarikiranannai afaaramma nimaqaidanoo. Inni asumu nimirafa sia innee andeeqasee fimarianasaafau mundidanoofau, sia innee amiqira oosana marasaida kadaapiridee qimarianasaafau mundidanoofau, Anutuna kaqi nimiranasaa kai innaarunai asumu marirana maasa qimirana uqeereenoo. Sia maasa qeeqa kadaapiriranannai innaaruna asumu maraanaura minara sia fifau maasa qeeqa qimooqira ufa mariannoo.



Roomma 10:9,10 Maaqi qimasee qimannimidaqa, anee aneenna afaurunnai Yisufa kuqaa karaambaiga maridanoo fee qimasee, aneenna amuqusa ookiqari kuqaa Anutufa Yisuna kugiranakinaana uqeeranau maqi qimasainanoo Anutufa narí asumu mariranaki ani mara quqaannoo. Maasa qeeqa qimuqusannai Anutuna andeeqaranaki fidaqa qeeqa qifaurunnai mina kooroo iranannai Anutuna asumu mariranaki fidaqa.

Yoohanee 3:16,17 Anutufa maa maqanasaa mariasara amuqusa firaaqoo qunara narí amaaku moodaa uqanna amiqirana maqasaqaraasa nimuna mina saqarikinausa sia kuridiranaki fifaranoo Anutuna naaru mariranaki fuageera narí amaaku nimirau. Anutufa sia maa maqanasaaqaraa fasiqa anaasee narí ufa firaanaki mara aquanifeerau narí amaaku maa maqanasaa quqannisanau. Mifa faiqí anaasee nariranakinaana qumbaqeeqee naaru asumu mariranaki quqannisaanifeera Yisuna quqanau.



1 Yoohanee 5:11-13 Anutufa narí amaakuara qu ufafa
maaqimminoo maridanoo Anutufa naaru naaru kuqaa
marirana maasa qiminau, mi marirafa maasaindi mina
amaakuki marifa maridanoo. Yafa yafee Anutuna amaaku
qumarainafa doo mifa mi marirana namufaqa
qumareenoo. Yau yausee sia Anutuna amaaku
qumarainausa sia mi marirana faqa qumaraidaga. Innee
Anutuna amaakuara irirana rusimariasa innee doo naaru
marirana doo maree fee qiageera maa ufana akara
rumannimaqaidaga.



Oosana 3 - 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Binumarien Bible (bjr) © 2017 Wycliffe Bible
Translators, Inc. All rights reserved.

<https://live.bible.is/bible/BJRWBT/MAT/1>

©2026 Bible for Children, Inc.

www.M1914.org

www.bibleforchildren.org

